



ს ა ქ ა რ თ ვ ე ლ ო
წყალტუბოს მუნიციპალიტეტის საკრებულო



განკარგულება:გ-49. 492420816

თარიღი:26/07/2024

არასამეწარმეო (არაკომერციული) იურიდიული პირის „წყალტუბო არენა“-ს მიერ 2024 წლის I-II კვარტალში გაწეული მუშაობის შესახებ

წყალტუბოს მუნიციპალიტეტის საკრებულომ მოისმინა ა(ა)იპ „წყალტუბო არენა“-ს ანგარიში 2024 წლის I-II კვარტალში გაწეული მუშაობის შესახებ (თან ერთად).

აღინიშნა, რომ წარმოდგენილი ანგარიში შესაბამისობაშია კანონმდებლობასთან და სათანადო დებულებით გათვალისწინებულ მოთხოვნებთან.

ზემოთ აღნიშნულიდან გამომდინარე, საქართველოს ორგანული კანონის „ადგილობრივი თვითმმართველობის კოდექსის~ 61-ე მუხლის მე-2 ნაწილისა და „წყალტუბოს მუნიციპალიტეტის საკრებულოს რეგლამენტის დამტკიცების შესახებ“ წყალტუბოს მუნიციპალიტეტის საკრებულოს 2017 წლის 28 ნოემბრის N36 დადგენილებით დამტკიცებული რეგლამენტის 25-ე მუხლის პირველი პუნქტის „ვ“ ქვეპუნქტის შესაბამისად:

1. დამტკიცდეს ა(ა)იპ „წყალტუბო არენა“-ს ანგარიში 2024 წლის I-II კვარტალში გაწეული მუშაობის შესახებ.
2. ა(ა)იპ „წყალტუბო არენა“ -ს მიერ 2024 წლის I-II კვარტალში გაწეული მუშაობა შეფასდეს დადებითად.
3. განკარგულება ძალაში შევიდეს გამოქვეყნებისთანავე.
4. განკარგულება შეიძლება გასაჩივრდეს კანონით დადგენილი წესით, მისი გაცნობიდან ერთი თვის ვადაში, ქუთაისის საქალაქო სასამართლოში (მის: ქ. ქუთაისი, კუპრადის ქ. №11).

თეიმურაზი ჭეიშვილი

წყალტუბოს მუნიციპალიტეტის საკრებულო-საკრებულოს თავმჯდომარე

გამოყენებულია კვალიფიცირი ელექტრონული ხელმოწერა/ ელექტრონული შტამპი



ანგარიში

არასამეწარმეო (არაკომერციული) იურიდიული პირის „წყალტუბო არენა“-ს მიერ 2024 წლის I-II კვარტალში გაწეული მუშაობის შესახებ

„წყალტუბო არენას“ საქმიანობის ძირითადი მიმართულებები და მიზნებია:

ა) ქალაქ წყალტუბოში, 26 მაისის ქუჩაზე მდებარე საფეხბურთო სტადიონების (ცენტრალური და სათადარიგო) ინფრასტრუქტურის მოწყობა, მოვლა-პატრონობა.

ბ) ქალაქ წყალტუბოში, 26 მაისის ქუჩაზე მდებარე საფეხბურთო სტადიონებზე (ცენტრალური და სათადარიგო, საფეხბურთო ცენტრი, ბუნებრივსაფარიანი მინი სტადიონი) შპს „საფეხბურთო კლუბი წყალტუბოს სამგურალის“ ძირითადი გუნდის, დუბლების შემადგენლობისა და სხვადასხვა ასაკობრივი გუნდებისათვის ეროვნული ჩემპიონატების შესაბამის ლიგაში ჩემპიონატის თამაშებისა და ვარჯიშების ჩატარების შეუზღუდავად უზრუნველყოფა.

გ) წყალტუბოს მუნიციპალიტეტში ჯანსაღი ცხოვრების წესის დამკვიდრება და მისი პროპაგანდა, ქართული ფეხბურთის პოპულარიზაცია და საფეხბურთო ტრადიციების აღდგენა-განვითარება.

დ) სპორტული ღონისძიებებისა და სხვადასხვა რანგის შეჯიბრებებისა და ჩემპიონატებისათვის სტადიონისა და ინფრასტრუქტურის მომზადება.

ე) სპორტის საყოველთაობისა და ხელმისაწვდომობის უზრუნველყოფა.

ა(ა)იპ წყალტუბო არენას 2024 წლის ბიუჯეტი დამტკიცდა წყალტუბოს მუნიციპალიტეტის მერის 2024 წლის 10 იანვრის № ბ48.482401032 ბრძანებით ბიუჯეტის მოცულობა განისაზღვრა 308 800 ლარის ოდენობით. აღნიშნულ პერიოდში განხორციელდა ცვლილებები, კერძოდ ბიუჯეტი გაიზარდა 309 500 ლარით და გახდა 618 300 ლარი.

ა(ა)იპ „წყალტუბო არენას“ სამტატო ნუსხა და ხართალრიცხვა იშიფრება შემდეგნაირად:

სამტატო ნუსხა - 27 კაცი. (ფაქტიურად დასაქმებულია 26 კაცი - ელექტრიკოსის და მუშის შტატზე დასაქმებულია ერთი პირი). აქედან 5 ქალია და 21 კაცი

1. ადმინისტრაციის ხელფასი გეგმით - 101 306 ლარი ფაქტიურად 99 711 ლარი.
2. მივლინება ქვეყნის შიგნით გეგმით - 1 000 ლარი ფაქტიურად 130 ლარი.
3. საკანცელარიო გეგმით -700 ლარი ფაქტიურად 428 ლარი.
4. კომპიუტერული პროგრამების შეძენა - 200 ლარი ფაქტიურად 0 ლარი.
5. კარტრიჯების შეძენა და დატუმბვა გეგმით -200 ლარი ფაქტიურად 60 ლარი.
6. საოფისე ავეჯი გეგმით -516 ლარი ფაქტიურად 0 ლარი.
7. სხვა საოფისე მცირე ფასიანი ინვენტარის შეძენასა და დამონტაჟებასთან დაკავშირებული ხარჯი გეგმით - 1 730 ლარი ფაქტიურად 1 730 ლარი.
8. რეცხვა,ქიმწმენდის და სანიტარული საგნების შეძენის ხარჯი გეგმით - 800 ლარი ფაქტიურად 295 ლარი.
9. შენობა ნაგებობა მიმდინარე რემონტის ხარჯი გეგმით - 8 000 ლარი ფაქტიურად 5634,5 ლარი.

10. საოფისე ტექნიკის, ინვენტარის, მანქანა დანადგარების მოვლა-შენახვის, ექსპლოატაციისა და მიმდინარე რემონტის ხარჯი გეგმით - 2 000 ლარი ფაქტიურად 779 ლარი.
11. ფიჭური კავშირგაბმულობის ხარჯი გეგმით 405 ლარი ფაქტიურად 405 ლარი.
12. ელექტრო ენერჯის ხარჯი გეგმით - 7 500 ლარი ფაქტიურად 2 215 ლარი.
13. წყლის ხარჯი გეგმით - 10 119 ლარი ფაქტიურად 2 102 ლარი.
14. ბუნებრივი და თხევადი აირის ხარჯი გეგმით - 8 636 ლარი ფაქტიურად 2 165 ლარი.
15. რბილი ინვენტარის, უნიფორმის შეძენის და პირად ჰიგიენასთან დაკავშირებული ხარჯი გეგმით - 3500 ლარი ფაქტიურად 1800 ლარი.
16. საწვავ/საპოხი მასალების შეძენის ხარჯი გეგმით - 5 500 ლარი ფაქტიურად 3 869,8 ლარი.
17. ტრანსპორტის დაქირავების ხარჯი გეგმით - 5 100 ლარი ფაქტიურად 2 577 ლარი.
18. აუდიტორული მომსახურების ხარჯი გეგმით -1 000 ლარი ფაქტიურად 450 ლარი.
19. შხამქიმიკატების ხარჯი გეგმით - 6 200 ლარი ფაქტიურად 3 245 ლარი.
20. მინდვრის ბალახის ხარჯი(თესლი) გეგმით 9 950 ლარი ფაქტიურად 2 360 ლარი.
21. მინდვრის სილა გეგმით - 6 300 ლარი ფაქტიურად 4 600 ლარი.
22. ფიზიკური პირის მომსახურება გეგმით - 17 500 ლარი ფაქტიურად 16 599 ლარი.
23. ფინანსთა ასოციაციის საწევრო გეგმით - 4 000 ლარი ფაქტიურად 4 000 ლარი.
24. სხვადასხვა მასალების შეძენა გეგმით -6 000 ლარი ფაქტიურად 5 408 ლარი.
25. სპორტული მოედნის მოვლა მომსახურების შეძენა გეგმით - 126 168 ლარი ფაქტიურად 105 138 ლარი
26. დამქირავებლის მიერ გაწეული სოციალური დახმარება ფულადი ფორმით გეგმით 2 200 ლარი ფაქტიურად 1 571 ლარი.
27. ხელოვნურსაფარიანი სთადარიგო სტადიონის გაქირავებით მიღებულმა ხარჯმა შეადგინა 298 ლარი. (2024 წლის 8 იანვარს გაფორმებული ქირავნობის ხელშეკრულება თბილისის 35-ე საფეხბურთო სკოლასთან).

ჩვენს მიერ უზრუნველყოფილია საფეხბურთო კლუბი „სამგურალის“ ძირითადი გუნდის, დუბლების შემადგენლობისა და სხვადასხვა ასაკობრივი გუნდებისათვის ეროვნული ჩემპიონატების შესაბამის ლიგაში ჩემპიონატის თამაშებისა და საწვრთნელი ვარჯიშების ჩატარების შეუზღუდავად უზრუნველყოფა.

კერძოდ, 2024 წლის 8 იანვრიდან განაახლა საწვრთნელი ვარჯიშები ძირითადი გუნდმა. 8 თებერვლიდან 22 თებერვლამდე გუნდი ზამთრის საწვრთნელ-სავარჯიშო შეკრებაზე იმყოფებოდა თურქეთის რესპუბლიკის ქალაქ ანტალიაში. გასულ წელს ძირითადი გუნდის ვარჯიშებს ატარებდა ძირითადად ნაქირავებ სტადიონზე ქალაქ ზესტონში, ამჟამად კი ვარჯიშები ტარდება ახალ საფეხბურთო ცენტრში. ეროვნული ჩემპიონატი დაიწყო 1 მარტს და გუნდს ჩატარებული აქვს 9 საშინაო თამაში. აქედან 4 თამაში ჩაატარა ცენტრალურ სტადიონზე და 5 თამაში ჩაატარა საფეხბურთო ცენტრში.

19 -26 მარტს საფეხბურთო ცენტრში მიმდინარეობდა ევროპის 17 წლამდელთა ასაკობრივი ჩემპიონატის შესარჩევი ტური. ჩატარდა 4 ვარჯიში და 3 ოფიციალური თამაში დანიის, სერბეთისა და თურქეთის გუნდების. ჩემპიონატისათვის მაღალორგანიზებულად ჩასატარებლად ჩვენს მიერ დაიგეგმა და განხორციელდა სათანადო სამუშაოები. კერძოდ, აშენდა 2 ვიდეოაპარატურის პლატფორმა და ერთ არსებულს დაემატა ერთი სართული. ყოველდღიურად თამაშისთვის მზადდებოდა მინდორი და გასახდელები.

ჩვენმა საფეხბურთო ცენტრმა ჩემპიონატის მომზადებისა და ჩატარების მხრივ მაღალი შეფასება მიიღო უეფასა და სფფ-დან, მივიღეთ სიტყვიერი მადლობა.

2024 წლის 1 თებერვლიდან განაახლა ვარჯიშები სათადარიგო სამგურალი 2-ის გუნდმა და ასაკობრივი ლიგის გუნდებმა. სამგურალი 2 და 19, 17 წლამდელთა ორი გუნდი, 15, 14, 13, 12, 11, 10 და 9 წლამდელთა ასაკობრივი გუნდები ვარჯიშებობენ ხელოვნურსაფარიან სათადარიგო სტადიონზე. ამავე მოედანზე ჩაატარებენ გუნდები ლიგა 4-ისა და ასაკობრივი ლიგის ჩემპიონატის საშინაო მატჩებს. ჩემპიონატი დაიწყო აპრილის თვეში.

სამგურალი 2-მა ჩაატარა 7 საშინაო მატჩი.

19 წლამდელთა გუნდმა ჩაატარა 6 საშინაო მატჩი.

17 წლამდელთა ორივე გუნდმა ჩაატარა 9 საშინაო მატჩი.

15 წლამდელთა გუნდმა ჩაატარა 5 საშინაო მატჩი.

14 წლამდელთა გუნდმა ჩაატარა 5 საშინაო მატჩი.

13 წლამდელთა გუნდმა ჩაატარა 4 საშინაო მატჩი.

12 წლამდელთა გუნდმა ჩაატარა 4 საშინაო მატჩი.

11 წლამდელთა გუნდმა ჩაატარა 4 საშინაო მატჩი.

10 წლამდელთა გუნდმა ჩაატარა 4 საშინაო მატჩი.

პარალელურად ხელოვნურსაფარიან სათადარიგო სტადიონზე ვარჯიშებს ატარებს სამოყვარულო გუნდი. ასევე პერიოდულად ვეხმარებით და სათადარიგო სტადიონზე ვარჯიშობს რაგბის გუნდი.

არენას სარგებლობაშია და ვუვლით ცენტრალურ სტადიონს, სადაც საშინაო თამაშებს ატარებს სამგურალის ძირითადი გუნდი, საფეხბურთო ცენტრს, სადაც ვარჯიშობს სამგურალის ძირითადი გუნდი, ასევე ტარდება სხვადასხვა ღონისძიებები, ხელოვნურსაფარიან სათადარიგო სტადიონს, სადაც თამაშებს და ვარჯიშებს ატარებს სამგურალი 2-ის და ასაკობრივი გუნდები, ასევე მინი ბუნებრივსაფარიანი სტადიონი, სადაც ვარჯიშობს ასევე 10 და 9 წლამდელთა გუნდები.

არენას თანამშრომლებს მათ სარგებლობაში არსებული სტადიონების მოვლის მიზნით ყოველდღიური სამუშაოები არ შეუწყვეტიათ - სტადიონების მთელ პერიმეტრზე მოვლის მიზნით ყოველდღიურად მიმდინარეობს მუშაობა - სათამაშო მოედნის სისტემატურად პარსვა (ყოველ მე-2, მე-3 დღეს), შხამქიმიკატების შეტანა, სილის შეტანა, დაჩხვლეტა, მინდვრის მორწყვები ყოველ მეორე-მესამე დღეს აგრონომის მითითების შესაბამისად.

ცენტრალურ სტადიონზე დამონტაჟდა მწვრთნელთა დასაჯდომები ახალ ადგილზე. შეისვალკა სავარჯიშო კარებები, შეიღება ოფისის და სანკვანძის შენობების გარეთა ფასადი, დასაჯდომების უკანა მხარის კედლები.

ხელოვნურსაფარიან სათადარიგო სტადიონზე დამონტაჟდა გარე განათების სისტემა.

ახალი სავარჯიშო მინი სტადიონის კარების უკანა მხარეს 35 მეტრზე გაკეთდა 60 სანტიმეტრი ხის დამცავი ბარიერი.

სისტემატურად მიმდინარეობს სტადიონების მიმდებარე გარე პერიმეტრის მოწყობა-გაწმენდა ცელით და სხვა ტექნიკით, მოსუფთავება და თამაშებისთვის მომზადება.

ჩვენის მხრიდან იგეგმება და ხორციელდება ყველა სამუშაო, რაც საჭიროა სამგურალის ძირითადი გუნდის, დუბლების შემადგენლობისა და სხვადასხვა ასაკობრივი გუნდებისათვის ეროვნული ჩემპიონატების შესაბამის ლიგაში ჩემპიონატის თამაშებისა და ვარჯიშების ჩატარების შეუზღუდავად უზრუნველსაყოფად.